

ГОВЬСҮМБЭР АЙМГИЙН ЗАСАГ ДАРГЫН
ТАМГЫН ГАЗРЫН ХЯНАЛТ-ШИНЖИЛГЭЭ, ҮНЭЛГЭЭ,
ДОТООД АУДИТЫН ХЭЛТЭС

ЗӨВЛӨМЖ

**БАЯНТАЛ СУМАНД ХЭРЭГЖИХЭЭР ШИНЭЭР БАТЛАГДСАН ДЭД ХӨТӨЛБӨРТ
ХЯНАЛТ-ШИНЖИЛГЭЭ, ҮНЭЛГЭЭ ХИЙСЭН ТУХАЙ**

2018 оны 03 дугаар сар 02

Чойр хот

Нэг. Нийтлэг үндэслэл

Сумын дэд хөтөлбөр нь сумын Засаг даргын үйл ажиллагааны хөтөлбөрийн хүрээнд дэвшүүлсэн зорилгыг хэрэгжүүлэх бодлогын баримт бичиг мөн бөгөөд Хөгжлийн бодлого төлөвлөлтийн тухай хууль, Засгийн газрын 2016 оны 249 дүгээр тогтоолоор батлагдсан “Хөгжлийн бодлогын баримт бичиг боловсруулах нийтлэг журам”, Засгийн газрын 2017 оны 89 дүгээр тогтоолоор батлагдсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ыг үндэслэл болгон хяналт-шинжилгээ, үнэлгээ хийлээ.

Хоёр. Зорилго

Сумын дэд хөтөлбөр нь бодлогын баримт бичигтэй уялдсан эсэх, Хөгжлийн бодлого төлөвлөлтийн тухай хуульд нийцсэн эсэх, орон нутгийн дунд хугацааны зорилго, зорилт, хэрэгжүүлэх арга зам, хүрэх үр дүн, шалгуур үзүүлэлтийг тусгаж батлуулсан эсэхд хяналт-шинжилгээ, үнэлгээ хийж, гарсан алдаа дутагдалд заавар зөвлөмж өгч, арга зүйгээр ханган хуулийн хэрэгжилтийг хангах, бодлогын баримт бичгийн боловсруулалтыг сайжруулахад оршино.

Гурав. Нэр томъёоны тайлбараас

/Хөгжлийн бодлого төлөвлөлтийн тухай хуулиас/

1. “Дэд хөтөлбөр” гэж Засаг даргын үйл ажиллагааны хөтөлбөрийн хүрээнд дэвшүүлсэн зорилгыг хэрэгжүүлэх үйл ажиллагааг тодорхойлсон баримт бичгийг:

2. “Хөгжлийн бодлогын баримт бичиг” гэж үндэсний, салбарын, салбар хоорондын болон бүс нутаг, аймаг, нийслэл, орон нутгийн түвшинд урт, дунд, богино

хугацааны зорилго, зорилт, хэрэгжүүлэх арга зам, хүрэх үр дүн, шалгуур үзүүлэлтийг тусгасан, эрх бүхий этгээдээс баталсан баримт бичгийг:

Гурав. Хяналт-шинжилгээ, үнэлгээ

Баянтал сумын 2018 онд шинээр 4 дэд хөтөлбөр хэрэгжүүлэхээр төлөвлөж сумын иргэдийн Төлөөлөгчдийн Хурлын 2017 оны 12 дугаар сарын 20-ны өдрийн 08 дугаар тогтоолын 1-р хавсралтаар “Сумын эрүүл мэндийг дэмжих дэд хөтөлбөр”, 2-р хавсралтаар “Сумын боловсролыг дэмжих дэд хөтөлбөр”, 3-р хавсралтаар “Сумын биеийн тамирын спортыг хөгжүүлэх дэд хөтөлбөр”, 4-р хавсралтаар “Зорилтот бүлэгт чиглэсэн дэд хөтөлбөр”-ийг 1 жилийн буюу богино хугацаанд хэрэгжихээр батлагдсан байна.

Хөтөлбөрийн санхүүжилтийг 2018 оны төсвийн “Орон нутгийн хөгжлийн сан”-гийн хөрөнгө оруулалт, хөтөлбөр, төсөл арга хэмжээний зардалд хөтөлбөрийг дэмжих санхүүжилт гэж тус бүрт 1,0 сая төгрөгийг тусгаж сумын иргэдийн Төлөөлөгчдийн Хурлын 2017 оны 12 дугаар сарын 20-ны өдрийн 06 дугаар тогтоолоор батлуулжээ.

Баянтал сумын Засаг даргын Тамгын газраас ирүүлсэн 4 дэд хөтөлбөрт хяналт-шинжилгээ, үнэлэгээ хийж үзээд боловсруулсан дэд хөтөлбөр нь Хөгжлийн бодлого төлөвлөлтийн тухай хуулийн 15.1, 15.6, 17, 18 дугаар зүйл, Засгийн газрын 2016 оны 249 дүгээр тогтоолоор батлагдсан “Хөгжлийн бодлогын баримт бичиг боловсруулах нийтлэг журам”-ын 52, 54, 55 дугаар зүйлийн шаардлагыг хангахгүй байгаа учраас хэрэгжих боломжгүй, дахин боловсруулалт хийх шаардлагатай гэж үнэллээ. Үүнд:

1. Дэд хөтөлбөрийн ерөнхий мэдээлэл бичигдээгүй, яагаад энэ хөтөлбөрийг боловсруулах болсон шалтгаан, өнөөгийн тулгамдаж байгаа асуудлууд, үндэслэл, нөхцөл байдлын шинжилгээний дүн, хамрах хүрээ зэргийг тодорхойлоогүй байна.
2. Дэд хөтөлбөрийн зорилго, зорилт бүрийг хэрэгжүүлснээр дунд хугацаанд нийгэм, эдийн засаг, нийгмийн хөгжил, байгаль орчинд ямар үр нөлөө үзүүлэх нь тодорхойгүй байна.
3. Дэд хөтөлбөрийн зорилго, зорилтыг хэрэгжүүлэх хугацааг буруу тодорхойлсон
4. Дэд хөтөлбөрийн бүтээгдэхүүн бүрт 1-ээс доошгүй шалгуур үзүүлэлтийг тодорхойлох ба батлагдсан хөтөлбөрийн шалгуур үзүүлэлтийг гаргаагүй байна.

5. Дэд хөтөлбөрийг дунд хугацаанд хэрэгжүүлэх төлөвлөгөө байхгүй, хэрэгжүүлэх үйл ажиллагаанд шаардагдах хөрөнгийн хэмжээ, санхүүжилтийн эх үүсвэрийг хөтөлбөрийн зорилт тус бүрээр тусган тооцож гаргаагүй
6. Дэд хөтөлбөрийн зорилгын хүрээнд дэвшүүлсэн зорилтыг хэрэгжүүлэхээр тодорхойлсон арга хэмжээ нь хоорондын уялдаагүй

Дэд хөтөлбөр нь Засаг даргын үйл ажиллагааны хөтөлбөрийн хүрээнд дэвшүүлсэн зорилтыг хэрэгжүүлэх үйл ажиллагааг тодорхойлсон бодлогын баримт бичиг учраас Засаг даргын үйл ажиллагааны хөтөлбөрийн хэрэгжих хугацаатай адил дунд хугацаагаар төлөвлөгдсөн байх ёстой.

Иймд хөтөлбөрийг Хөгжлийн бодлого төлөвлөлтийн тухай хуулийн 21.4.1-д, Засгийн газрын 2016 оны 249 дүгээр тогтоолоор батлагдсан “Хөгжлийн бодлогын баримт бичиг боловсруулах нийтлэг журам”-ын 66 дугаар зүйлд заасны дагуу дэд хөтөлбөрийг хууль журамд нийцүүлэн дахин боловсруулан батлуулахад дараах зөвлөмжийг хэрэгжүүлж ажиллах нь зүйтэй. Үүнд:

1. Дэд хөтөлбөр нь сумын Засаг даргын үйл ажиллагааны хөтөлбөрийн хүрээнд дэвшүүлсэн зорилгыг хэрэгжүүлэх бодлогын баримт бичиг тул хөтөлбөрийн зорилгыг бусад бодлогын баримт бичгүүдийн зорилго, зорилттой уялдуулах, нийцүүлэх */журмын 1-р хавсралт/*
2. Дэд хөтөлбөрийг хэрэгжүүлэх зорилт тус бүрээр хэрэгжүүлэх арга хэмжээг тодорхойлох
3. Дэд хөтөлбөрийн зорилго, зорилт бүрийг хэрэгжүүлсний үр дүнд бий болох эдийн засаг, нийгмийн хөгжил, байгаль орчинд үзүүлэх үр нөлөөг тодорхойлох
4. Дэд хөтөлбөрийн үр дүнгийн шалгуур үзүүлэлтийг бусад бодлогын баримт бичиг, статистикийн мэдээ, салбарын мэдээлэлд үндэслэн тодорхойлох
5. Шалгуур үзүүлэлтийн суурь түвшин, суурь он, зорилтот түвшин он оноор болон мэдээллийн эх сурвалжийг тодорхойлсон байх
7. Дэд хөтөлбөрийн дунд хугацаанд хэрэгжүүлэх үйл ажиллагааны төлөвлөгөө боловсруулах, хэрэгжүүлэх үйл ажиллагаанд шаардагдах хөрөнгийн хэмжээ, санхүүжилтийн эх үүсвэрийг хөтөлбөрийн зорилт тус бүрээр тусгаж батлуулах

Зөвлөмжийн хэрэгжилтийг 2018 оны 04 дүгээр сарын 20-ны дотор аймгийн Засаг даргын Тамгын газрын ХШҮДАХ-т ирүүлнэ үү.

Жич: Дэд хөтөлбөрийг хуульд журамд нийцүүлж боловсруулаагүй, нэмэлт, өөрчлөлт оруулаагүй тохиолдолд хөтөлбөрийг хэрэгжүүлж, хөрөнгийг зарцуулахгүй байхыг анхааруулж байна.

ХЯНАСАН:

ХШҮДАХ-ИЙН ДАРГА

Х.БУЯНБАЯР

ХШҮ ХИЙСЭН:

ХШҮДАХ-ИЙН МЭРГЭЖИЛТЭН

П.НАРАНМАНДАХ